

清河縣志卷之二

壇祠

附古蹟塚墓

壇祠之設祀典攸關凡有功德於民者春秋時享不廢也或爲位而壇或立廟以祀馨香之報民心繫焉雖古蹟義塚亦遺澤所留皆有不忍聽其湮沒者爰考其迹而并誌之

社稷壇在縣城西南北向社右稷左春秋仲月上旬陳主而祭各帛一豕一羊一爵三登一鉶二簋二簠四豆四風雲雷雨山川壇在縣城南門外南向中爲風雲雷雨左山川右縣城隍以春秋仲月上旬陳主而祭共用帛七牲視

社稷加二爵與鉶饗籩豆簋簠如之

邑厲壇在縣西北祭以清明申元十月朔先期有司告於城隍屆期尊神於壇旁祭用羊豕

關聖帝君廟在縣治東萬厯元年知縣鄭際明捐俸督鄉民謝九思等重修增厦三間鐘樓一座大門一座置廟基地二畝築房三間買坡地八畝興住持耆佃種以資香火勒石志之以垂永久雍正年詔郡縣春秋祀加太牢五年太常寺奏定五月十三日祀加太牢

後殿雍正三年崇封三代公爵春秋致祭

光昭公

裕昌公

成忠公歲久經雨剝蝕廟貌傾圯同治四年知縣徐沛然重修大殿添東西廂房各三間鐘鼓二樓以及大門煥然一新立有碑記

附藝文

城隍廟舊在縣治西歲久頽廢遷於縣治東萬曆三年知縣向日紅重修萬曆十九年知縣王守禮重修天啓五年知縣于從政重修順治二年知縣王世勳重修康熙十一年知縣夏琮重修同治十二年知縣郝鍾麟重修歲春秋仲月上旬致祭

八蜡廟在城南萬曆二十一年知縣王守禮建前廳一座

後廳一座廊房六間歲久頽廢今移在文廟東歲春秋仲
月上旬致祭

馬王廟在馬廐康熙十三年知縣盧士傑建歲春秋仲月
上旬致祭

土地祠在縣署大門內

隆興寺在城西南相傳隋時所建舊有古塔在寺宋太祖
微時常醉卧塔下塔影週迴蔭之老僧意其非常人因追
至城西爲獻茶遂召茶店及登極後重修梵宇極其壯麗
歲久圯廢今前殿背負壁尙有白石佛一尊高九尺鏤刻
精工背刻唐太厯十年又東有定光佛墓佛龕舍利於此

宋吳浚勒小碣記之書字尙存迺勁有二王書法萬厯二十三年知縣陳緒增修白衣閣一座方丈五間厯年久遠殿閣垣扉凋零殆盡康熙十五年知縣盧士傑重修

龍王廟在城西十二里茶店村北隋時所建禱雨輒應雍正二年知縣錢啓文補葺十二年知縣徐而發重修道光二十年知縣伊鏗額補葺光緒八年知縣黃汝香因大旱前將槁虔誠步禱甘霖普降歲則大熟遂督率紳民重修廟貌聿新

茶庵在縣南十二里卽靜樂庵基康熙十三年知縣盧士傑修外奉碧霞元君扁曰飲我行人內奉觀音大士扁曰

普渡羣迷

崇興寺在縣油坊集臨御河寺基宏敞林木叢茂后有臺上爲玉皇閣二層耆民于希儒建登臨望鄰邑城堞如帶煙霧杳靄雲樹參差邑中勝槩也

承露庵在縣油坊集地衝水陸康熙十七年知縣盧士傑捐俸建靜室三間茶棚五間施茶以濟行人

藥王廟在縣治東先是清邑無藥王廟順治年間南鄉李氏募銅鑄像因其鄉荒僻移奉城中康熙十六年知縣盧士傑捐資立廟併建玉皇閣義民段可起張丹鳳督工重修

龍王廟正殿各三間東耳屋一間在城隍廟東同治十年

火神
知縣王鏞捐建

廉將軍廟在城西南八里今廟廢遺趾猶存

秦公祠祀知府秦公民悅一在謝爐集今廢一在油坊集
有大學士吳寬碑記

五公祠在辛集祀少師夏公言御史錢公如景刑部尚書
樊公繼祖知府華公津張公希尹

索尹祠在南關外祀知縣索公紹

二公生祠在東大街祀知縣王公嘉賓劉公允中

胡公生祠在縣治東祀知縣胡公文煥

陳公祠正殿三間東西配享祠各一間在關帝廟西同治三年知縣徐沛然捐建

忠義祠正殿五間兩廊各三間在經正書院後同治十年知縣王鏞捐建

節孝祠五間在南街路西同治十年知縣王鏞捐建

古蹟

信城八景舊志一曰甘陵豐草二曰御河遠帆三曰茶堂
龍爪四曰蓮沼魚鱗五曰鯨隄烟樹六曰廉墓霜花七曰
貝州斥鹵八曰玉閣浮雲詠古詩附藝文後

白虎崗在縣城西南二里有元帝廟青龍白虎邑形勝也
黑風口在舊城西北一里

鳳凰臺卽黑風口嘉靖年築臺上有鳳凰閣關帝廟
青龍口在城東南一里近疏水渠

華家井在白虎崗前城內水皆苦鹹不可用惟此井水甘
邑人賴之

茶店在城西十二里宋太祖飲茶於此故名

龍爪樹在茶店龍王堂舊有槐樹相傳宋太祖至此遇雨
沾衣解衣曝其上其後枝遂卷曲下垂若龍爪狀有惡少
利其材而伐之斧斤方加而疾作傷痕津出淋漓後漸枯
根槩再生成樹然無復龍爪形矣今堂與槐尙存

張十五店在縣東南十五里相傳其地有張氏子年十五
無賴爲鄉人患宋太祖微時經此與太祖競太祖擊死之
境遂安

蓮花池卽英陵地相傳舊有蓮花遇夏盛開亦奇觀云

塚墓

甘陵城在縣西北角按城塚記漢安帝之母左氏葬處因名

九塚在辛集東今巍然尙存往年被水人民藉高以避患其一在臨清境上世傳清河九塚十二營莫知其自或曰塚亦王墓也營如二哥營厥口營之類

廉頗墓在縣西二十五里與鯀堤近萬厯八年知縣向日紅封識東西闊十步南北長二十五步

李雲墓在縣西十里冀州刺史賈琮刻石表之至後時尙存俗謂李氏柱石今墓與石俱埋

張公瑾墓公瑾唐名臣也墓在縣西南二十里樊水村今亦失所在

元明善墓在城西三里御史中丞馬祖常撰神道碑歲久碑沒明嘉靖辛亥邑人馮盛時孫子沈請於令孟仲遴爲復礮神道碑墜於道左

王澤墓在邑屬壇左澤元時爲御史初墓有碣有牆壁明正德間族人以貧鬻遂廢今止遺塋地半畝又陳二莊亦有王御史墓舊志不載不可攷相傳墓地四十畝爲居人侵種掘得紅甌或當時賜葬所塋也嘉靖中知縣孟仲遴查罪其侵地者尙存十五畝今復去其半矣萬曆八年知

縣向日紅復封其墓東西闊二十步南北長二十步

漏澤園在城東北明嘉靖中知縣辛汝弼爲刻石封識萬
曆十九年知縣王守禮有石碣

義塚一在山川壇左地二畝七分
明嘉靖間耆民劉樂等

置有石碣一在油坊集北地四畝
嘉靖末邑人王希文等


置一在陳三莊地三畝
萬曆初善人焦惟藩置一在葛仙

莊地一畝三分
萬曆七年鄉民馬宗陽置一在東關東北

地十畝一分一釐
八毫光緒五年邑令楊秉德捐俸置九

年邑令黃汝香修園以牆垣置守園人并列規條懸匾記

之以瘞貧民之無葬地者



宦蹟

循良之吏盛於兩漢史傳所載彰彰已然其時民間之薄物細故胡亦播爲美談耶得毋考績課最愛民者考書上上與昔之循吏罕見也間有一二父母斯民者或且以不合時宜目之流風善政由是沒焉藉非登之邑乘烏知百世而下播之口碑者不在彼而在此

漢

何 武蜀郡郫縣人宣帝時以丞相司直出爲清河太守數歲坐郡中被災免久之大司馬曲陽侯王根薦武徵爲諫大夫綏和三年爲大司空封氾鄉侯食邑千戶武爲人

好進士獎稱人之善然疾朋黨問文吏必於儒者問儒者必於文吏以相參檢欲除吏先爲科例以防請託其所居無赫赫名去後常見思

寒朗字伯奇魯國薛人永平中以謁者守侍御史考案楚獄明耿建等之冤帝怒促提下朗復有所陳帝意解詔遣朗出後因事免官復舉孝廉拜爲易長遷濟陽令又辟司徒府永元中再遷清河太守所至有政聲百姓追思之馮遂上黨潞人馮奉世子也成帝時遷清河郡尉治行廉平所論河隄方略在漢書溝洫志

劉虞字伯安東海剡人中平初拜甘陵相撫綏荒餘遷

中正後張純張舉起兵攻破清河復拜虞幽州牧純舉悉
平刺史韓馥等以朝廷幼冲逼於董卓而虞宗室長者欲
立爲王虞厲聲叱止天子益嘉之

涼 茂字伯方山陽昌邑人常徵爲魏郡太守甘陵相所
在有治績

杜 纂字榮生常山九門人明帝初拜清河內史勸課農
桑弔死問生甚有恩施遷去清河房通等三百餘人頌纂
德政乞垂臨郡詔許之

韋 義字季節京兆杜陵人初仕州郡太傅桓焉辟舉理
劇爲廣都長甘陵陳武縣令政甚有績官曹無華牢獄空